

Pelajaran 1: Bersedia untuk dan Mengadakan Pertemuan

Anda boleh mengajar pelajaran ini secara seluruh atau membahagikannya kepada segmen-segmen kecil. Ubahsuaikan pelajaran berdasarkan situasi tempatan dan keperluan, umur, dan tahap pemahaman kuorum atau presidensi kelas anda.

TUHAN MENJEMPUT KITA UNTUK MENGATUR DIRI KITA

Baca [Ajaran dan Perjanjian 88:119](#). Bincangkan bagaimana arahan Tuhan untuk “aturlah dirimu” digunakan bagi pertemuan-pertemuan kuorum atau presidensi kelas. Apakah perkara-perkara yang kita boleh lakukan untuk mengatur pertemuan kita?

MEMBUAT PERANCANGAN UNTUK PERTEMUAN MEMBANTU KITA MENGATUR KERJA TUHAN

Bantu kuorum atau presidensi kelas isikan satu [contoh agenda](#) sebagai persediaan bagi pertemuan presidensi mereka yang akan datang. Pertimbang untuk bincangkan soalan-soalan berikut bersama:

- Mengapakah ia penting untuk pertimbangkan soalan-soalan seperti yang terdapat dalam contoh agenda?
- Apakah lagi pertemuan atau aktiviti lain yang kita boleh bersedia secara demikian?
- Bagaimanakah kita menjemput Roh Kudus untuk membantu kita ketika membuat rancangan dan mengadakan pertemuan? (Lihat [Moroni 6:9](#); [Ajaran dan Perjanjian 46:2](#).)

Anda juga boleh menjemput ahli-ahli presidensi untuk menyediakan satu agenda bagi pertemuan kuorum atau kelas seterusnya yang mengikut garis panduan yang tersedia dalam setiap pelajaran dari [Ikutlah Aku—Untuk Kelas Kuorum Imamat Harun dan Remaja Puteri](#). Jemput mereka untuk fikirkan tentang perkara yang telah dibincangkan dalam pertemuan presidensi yang juga perlu dibincangkan bersama ahli-ahli kuorum dan kelas. Jika masa mengizinkan, anda boleh menjemput mereka untuk melatih mengendalikan satu pertemuan dengan menggunakan agenda yang mereka telah sediakan.

Dari semasa ke semasa, anda mungkin ingin bincangkan bagaimana perasaan ahli-ahli presidensi berkenaan suatu pertemuan. Sebagai sebahagian daripada perbincangan ini, anda mungkin tanyakan soalan-soalan seperti berikut:

- Adakah pertemuan itu mencapai apa yang dikehendaki?
- Apakah yang kita telah lakukan untuk menjemput Roh ke dalam pertemuan itu? (Lihat [Ajaran dan Perjanjian 6:32](#).)
- Adakah kita cuba melibatkan semua orang?
- Bagaimanakah kita boleh memperbaikinya?

SUMBER-SUMBER SOKONGAN

- *General Handbook: Serving in The Church of Jesus Christ of Latter-day Saints*, [10.4](#), [11.3.4](#), ChurchofJesusChrist.org